

Куобах куттас буолбатах!

(оџолорго остуоруйа)

Кыһын. Сир -дойду кырса түү сымнаџас хаарынан бүрүллүбүт. Ураа муостаах Дьыл оџуна тымныынан уһуутуур. Тыа иһэ уу - чуумпу.

Уһун кулгаахтарын төбөлөрүгэр харалардаах манган куобах ыарџаны кэрийэ сылдьан, кыһын буоллун, сайын буоллун, өрүү күөх турар харыйа таһыгар тохтуур.

-- Иэхэйбиин, бу сага сыл мин сылым буолар, төһө эрэ күннүүбүн, бу кэлэр сага дьылы наһаа да өр күүттүм.-- дии - дии ытыстарынан таһынар, хаарынан ыһыахтанар, үөрэр - көтөр.

Бу кэмнэ, кыһыл саһыл обургу аһан иһэн куобах тойугун истэн сөбүлээбэтэх, сонно - тута уһун кутуругун соспутунан тыа кыылларын ыһыртыы элэс гынан хаалар.

Бэрт түргэнник, ыраахтан - чугастан ыһырыылаахтар биирдиилээн - иккилиилээн кэлитэлээн бардылар.Саһыл бөрөттөн куттанар буолан, ыһыра да сатаабата.

Албынынан аатырар саһыл өгүн - дьүһүнүн өгосто - өгосто мунһаџы бэйэтинэн саџалааччы буолла, куобаџы сэнээбиттии көрө - көрө этэн тыынан барда:

--- Көрүг эрэ, бу кылар харахтаах, хайыһар атахтардаах, кылгас кутуруктаах куобаџы бары билэбит.Хас мас хамсаатаџын, мутук тоһуннаџын аайы куттанар.Баџаттан да, бэйэтин күлүгүттэн да куттанан салыбырыы сылдьар куобаџы биһиги хайдах кини сылын ылыахпыты?

Куобах эрэйдээх кыбыстан - кытаран көтүөбүн кыната суох, куотуобун бары тулалаан тураллар. Кыра кыыллар кинини аһыналлара харахтарыгар да көһүннэр, ончу тугу да быктарбатылар. Саамай бөдөннөрө - тойонноро энэ суон куолаһынан оргууй аџай дьүүлү тохтотто:

--- Дьэ, барахсаттарыам, онто да суох сага дьыллыырбыт биллибэт. Ол курдук, икки атахтаах киһи сыл аайы биһиги харыйаларбытын кэрдэн бараата, бүтэник бу турар харыйаны бэлиэтии көрбүтэ.Харыйата суох хайдах сага дьыллыахпыты? Онон тарџаһын!

Куобах барахсан бу ыйданалаах киһэ утуйар уута көтөн хаалла. Атаџастаммытын саныы - саныы, хайдах аахсыаџын, хорсунун көрдөрүөх санаата баһыйда, толкуйдүү сытан утуйан хаалла.

Саргылаах сага дьыл чугаһаатар чугаһаан иһэр. Халлаан өссө тымныйар, силлиэнэн иһиирэр, буурџанан ытйар. Кыыллар бары сатыы киһи атаџын тыаһын иһиллиилэр, сэмээр кэтэнэллэр.Ыраах талахтар - мастар быыстарыттан харахтара эрэ көстөллөр. Онтон куттас куобахтара харыйаттан чугас собус соџотобун төттөрү - таары хаамыталыыр, уһун кулгаахтара чөрөйбүттэр.

Кэмниэ кэнэџэс, ырыык ыраах сүгэ сүгүүлээх сатыы киһи халын хаары оймоон иһэрэ көһүннэ. Баар - суох харыстыыр харыйаларын кытта бырастыылаһар түгэннэрэ буоларыттан кыыллар бары олунун долгуйаллар. Ыарахан атах тыаһа чугаһаатар чугаһаан, лаглайбыт күөх харыйачаан таһыгар бу тийһэн кэллэ.Сонно тута чохороон сүгэтин өрө көтөџөн эрдэџинэ, харыйа кэнниттэн сүр бөрө сирэйэ көстөн кэллэ! Харыйа кэрдээччи олус соһуйан - куттанан сүгэтин элитээт, дьэитин диэки куотта.Бэргэһэтэ ойдо, анар хаатынката уһулунна, үтүлүктэрэ тммалаатылар. Ону тэнэ, саһан түрбүт саһыл эмиэ куттанан кылгас атахтарынан субурус гынан хаалла.

Олох улуйбатах куобах бэйэтэ өностубүт бөрө сирэйэ маскараадын устан аа - дьуо сүгэһэригэр угунна, үөрүүтүттэн харыйатын тула ойуоккалаата. Кинини кытта тэнгэ харыйа эмиэ үөрэн имиллэннээтэ, кырыа хаарын тэбэннэ.

Тыа иһиттэн айылџа мааны кыыллара тэбис тэнгэ тахсыталаатылар, куобаџы тула туран хорсунун хайџаатылар, куустустулар. Онтон харыйаларын көрөн олус үөрдүлэр, киэргэтэн - симээн бардылар.

Дьэ буолла ээ, ханан да буолбатах үөрүүлээх - көтүүлээх, ырыалаах - үгкүүлээх бырааһыннык. Көр - нар ортото саһыл уонна бөрө бэлэхтээх, кэһиилээх кэлэн үөртүлэр.

Бу күнтэн ыла, куобах куттас буолбатах! Куобах сыла аџаллын сэриитэ суох эйэлээх, дьоллоох олоџу!

Венера Лугинова, Кэбээйи.